

## Onisiny 12

1. Satan Hewan nyimitela, hate mi `duwa shole?

-Char ger ka yile.

2. Hewan char wol gediaka, hate Satanka he onoye?

-He monoye.

3. Satan char ger ki sholela,`daa mare?

-`Daa giri Hewan ka ratika.

-`Daa giri Hewan nyimisetka.

-`Daa giri Hewan badisiwoka.

4. Kulich heela ubaa Satan gaalat hai nyimita?

-Ii.

5. Satan hate gaalat nyimita?

-Satan gerich erkoba wodhinkuna gaal ki gedicha.

-Satan gerich ki namaka gaalat eiy taka ka koto gaal ki gedicha.

-Satan gerich ki sedeka arjan ka koto gaal ki gedicha.

6. Adam `guor daalim midhabka ubaa daalim `deewka koyoka Adam hate `deeme, Waa`g chie?

-Hai kufanana.

7. Hewan `guor daalim midhabka ubaa daalim `deewka koyoka Hewan hate `deeme, Satan chie?

-Hate ma kufuminya, Satan geche.

-Itin hat Waag hai chedhe, Satan chie.

8. Satan Waa`g wodho afo kai?

-Ii.

9. Adam ubaa Hewan adab tagniyeka, waasel hate gelem manka wol kimetika meete tagniye?

-`Guor neele gelem taganiye.

10. Adam ubaa Hewan adab tagniyeka, waasel Waa`g he `du kachimia gaal iin meete tagniye?

-Waa`g inka shale.

11. Waa`g he ki inka sholon?

-He man. Waa`g `daa giri bi lulle gaa idoka.

12. Satan gaal yia neb?

-Satan, Waa`g ubaa gaalat lulle neb.

13. Satan gaalat `deeny Waa`giet nee kokoka he fe`do?

-He ma fe`diny.

14. Satan `deeny Waa`giet hi nee kokoyoka ma fe`dinyala `daa mare?

-Satan gaalat lulle `daa giri nebka ubaa `jiet basiet biyoka gaalat ki lalanka `daa giri fe`doka.

-Adam ubaa Hewan himurit Waa`g didheka, waasel Waa`g meete tagkoye?

Erkob 3:9 ki toyo

9-Aale Yoowa Waa`g Adam viiye, mu hesete, Ale gaa ida? chie.

-Adam ubaa Hewan himurit Waa`giet didheka waasel Adam Waa`g viiye.

-Waa`g Adam viiyela, Adam ale gaa ijoka he Waa`g hi mog?

-He muniny.

-Waa`g he lulle og.

-Waa`g he lulle argiyo.

-Waa`g he maa nini ubaa hi inka sholon man.

-Waa`g Adam viiyela, `daa mare?

-Waa`g Adam viiyela, Adam adable tagniyeka, mi Waa`g gediyoka, Waa`g hi fe`de.

-Waa`g Adam viiyela, Adam himurit Waa`giet didheka, mi Waa`g gediyoka, Waa`g hi fe`de.

-Waa`g Adam viiyela, Adam Satan ii yieka, mi Waa`g gediyoka, Waa`g hi fe`de.

-Waa`g Adam veven u`dola `daa mare?

-Waa`g Adam `daa giri tagniyeka.

-Adam `daa giri Waa`g hele.

-Waa`g Adam tagniyeka, `daa giri hi mi meta gaa kekena.

-Waa`g gaalat lulle veven u`dola `daa mare?

-Waa`g gaalat lulle `daa giri tagniyeka.

-Gaalat lulle `daa giri Waa`g hele.

-Waa`g gaalat lulle tagnaniyola `daa giri mi meta gaa kekena.

-Waa`g he wol ma gaa soiny.

-Waa`g kulich heela ubaa he gaalat lulle veven.

-Waa`g kulich heela gaalat vevenala hate yie?

-Erkoba, Waa`g gaalat vevenka, hele tagniyeka, `daale mi gaalat veveme.

-Waa`g hele tagniyeka, hate Waa`g he `duwa, gaalat lulle hai kimita, muun ki Waa`g ii yegetka Waa`g hi fe`de.

-He ki namaka, Waa`g gaal war`gat Waa`giet `daaleka he vene.

-War`gat Waa`giet `daa gaalat lulle Waa`g he `du gaa vere.

-War`gat Waa`giet `daa kicho Waa`g hi gedicha.

-Waa`g Adam viiyeka, Adam hate yie?

Erkob 3:10 ki toyo

10-Aale mu kieye, Yu yugurku maale, in gele man ko kiadhe, shole, mui yie.

-Adam ubaa Hewan Waa`g kiadhela `daa mare?

-`Daa giri Waa`g `deenyle didheka.

-`Dee tigid yu ka geye.

-Maa burayleka ruba ma eiy burayka ruba male kayimeka he mu met ma sholominy?

-Hai sholimo.

-Adam ubaa Hewan `daa giri Waa`g met ma kinya, Waa`g inka shole.

-Ale Waa`g Adam hate chie?

Erkob 3:11 ki toyo

11-Aale Waa`g kieye, Maya hat kuun gele manka ko geey? `Guor yu ko geeyka, ha kony, yu yieka, konye? Waa`g hi chie.

-Waa`g Adam `guor umle kokuoka `daa mare hesete?

-Adam `guor umle kokuola he Waa`g hi mog?

-He og.

-Ale Waa`g Adam `guor umle kokuoka `daa mare hesete?

-Adam `daa Waa`giet kayimet adable wogodhoka Waa`g he fe`de.

-Adam `daa Waa`giet kayimet he `deeneyka mi wododhoka Waa`g he fe`de.

-Adam `daa Waa`giet kayimet Satan elgavereka, ii yegetka, mi wogodhoka Waa`ghe fe`de.

-Waa`g Adam hegeseta u`dola hate yie?

-Adam mai tagniyeka he Waa`g.

-Waa`g `daa giri gaalat lulle tagnaniyeka he lulle hegeseteka he u`do.

-Kulich tigid Waa`g gaalat lulle hai hegesete gaal lulle Waa`g `dee wol `du nana.

-Waa`g Adam heseteka `deny mare mi wol `du niiye?

Erkob 3:12-13 ki toyo

12-Adam kieye, Min giri kuuni ye ka shiche, nyi wol af ideka, he ye `guor ka shiche, yaa `guor koy, yie.

13-Aale Yoowa Waa`g min geeyche, kieye, Meete egeyche? Min kieye, Char ye nyimite, in yu `guor koy, chie.

-Adam Hewan katate, Hewan ubaa char katate.

-Waa`g he `duwaka he og.

-Waa`g he `duwa hi inka sholonka he man.

-Maa burayka, gaali `gili`geyka, hate yiedhe?

-Maa eiy taka hai katasa.

-Kal mare muun he kuna ke `deeneyeka gaal eiy taka ki katasowa he ki uro.

-He kuna ki `deeneyeka ki gaal eiy taka ki katasowa Waa`g ki nyimiseta he ki ma uriny.

-Waa`g bar lulle he `duwa og.

-Waa`g bar lulle gaali met ma kekeminya he ki mu`da.

-Waa`g bar lulle gaal adab tagnanowka he ki mu`da.

-Waa`g erkoba char he ki mu`de.

Erkob 3:14 ki toyo

14-Aale Yoowa Waa`g char geeyche, kieye, Hat kuun heela egeychela yaa ko `dore, ko aany ubaa bine baadiet lulle a me `gidhie. Kuun ale gere ki dhafana. Kuun taale les idola bar lulle e`de kokonyo.

-Waa`g char he ki mu`dela hate yie?

-Char ger ki dhaff chie.

-Waa`g `daa mare char he ki mu`de?

-Char Hewan ma geeny.

-Hewan mai geyka, he Satan.

-Ale `daa mare Waa`g char he ki mu`de?

-`Daa giri adab lulle Waa`g he ki mu`da.

-Satan `daa giri char adab tagnatiya.

-Waa`g adab lulle he ki mu`da.

-Waaselowa ka Waa`g Hewan he ki mu`de.

Erkob 3:16 ki toyo

16-Aale Waa`g min geeyche, kieye, Gon bolokua `dalietka sum ha yu ilishanaya. Kuun `da`daloka gon hai ko bollono, kun beklua baltle `gayya, mu ini ko he ki mumura, Waa`g hi chie.

-Waa`g Hewan he ki mu`dela hate yie?

-Hewan `da`daloka gin hi bollone.

-Hewan he muretle mi ki mureka gaal `diet lulle mi ki mure.

-Kaana gaal `diet lulle `da`daloka gon hi bollono.

-Waa`g Adam he ki mu`de.

Erkob 3:17-19 ki toyo

17-Aale Waa`g Adam geeyche, kieye, 'Daa giri kuun minku `deenyle nee koye, `guor yu ko he ki mure, ha kony, yu yieka, konyeka, les `daakuka he yu ki `dore. Kuun taale ali idola ha ladana, hujicho naniya, in les `guom gaa kokonyo.

18-Les `guor hi `guoka ubaa ish hi `guoka hai gaa `deeme, in kuun `guom less gaa `de`deenya konyo.

19-Simis dhi`deka in `guom konyo, in `jig kufunanna, ee`d ye gaa `diyeka hol `du naata, Waa`g chie.

-Waa`g Adam he ki mu`dela hate yie?

-Adam simis dhireka in `guom koko, `guomle he ninika.

-Adam he mi ki mureka gaal yab lulle mi ki mure.

-Kanalagaalat lulle simis dhireka in `guom koko, `guomle he ninika.

-Waa`g he eiy taka meete Adam ki mu`de?

-Waa`g les lulle `do`de.

-Waa`g les `do`dela telole meete?

-Yie ubaa ish burney.

-Mar ka `de`deeme.

-Chara ubaa gure nya`dawa `guoka burney.

-Bine gaalat `ginima.

-Gaalat hujich he gormosowa tagnana.

-Gaalat kulnadha.

-Gaalat kufuma.

- Adam ubaa Hewan `daa giri Waa`g met ma kinya, Waa`g les `do`de.
- Adam ubaa Hewan `daa giri Waa`g met ma kinya, les he `deewa hi koch yie.
- Adam ubaa Hewan `daa giri Waa`g met ma kinya, gaalat lulle hai kufuma.
- `Daa giri Waa`g met ma kinya Waa`g he muritle kufach biyoka.
- Adab he muritle Waa`g he mu`deka kufach biyoka.
- Adam ubaa Hewan Waa`g he ki mu`deka, waasel Waa`g he wagoteka, ba ki toyo

Erkob 3:15 ki toyo

15-Kuun ubaa maa`diet aale hollo yu hol nebesia. Umutku ubaa umutle ubaa hollo yu hol nebesia mu me hai ko `darama kuun mu sana `ginianna.

- Waa`g maya geyiche?
- Waa`g maa he geyicheka Satan.
- Waa`g Satan meete geyiche?
- Satan gaalat sana giniminya mai Satan me gaa tutunoka hai kayimedhe, Waa`g chie.
- Satan mai me gaa tutunoka maya?
- Maa bisachiet.
- Waa`g Adam ubaa hewan `dee ki mu`deka, waasela `deeny mare mi wodhe?
- Waa`g Adam ubaa Hewan he ki mu`deka waasela maa bisachiet ali gaa kakayoka hote.
- Maa bisachiet kayimetala meete tagnana?

-Maa bisachiet kayimetala gaalat adab ye gaa `dediya.  
-Maa bisachiet kayimetala gaalat kufach ye gaa `dediya.  
-Maa bisachiet kayimetala gaalat Satan ye gaa `dediya.

-Maa bisachiet kayimetala Satan hol yegese.

-Satan maa bisachiet liil yie gaa `dediya, `dee in maa bisachiet Satan hai ka adadha.

-Maa maa bisachiet yegetka maya?  
-Maa maa bisachiet yegetka, veel ini a saloka hi `daloka.

-Waa`g maa bisachiet ali gaa kakayoka `dee hotela `daa mare?  
-Waa`g gaalat lulle `daa giri sum gielka.

-Adam ubaa Hewan Waa`g `du`jimle he yile?  
-He ma yiliny.

-Adam ubaa Hewan Waa`g `du`jimle he ma yilinyela `daa mare?

-Gaal `daa giri Waa`g met ma kinya ubaa Satan ameleka.

-Adam ubaa Hewan Waa`g met ma kinya Waa`g hele hi ki mu`diya meete?

-Gaal `daa giri Waa`g met ma kinya he mi mureka kufach biyoka.  
-Adam ubaa Hewan `daa giri Waa`g met ma kinya he Waa`g mureka kufach.

-`Dee in keyieka Waa`g gaal in bibisichoka, maa bisachiet mi ali gaa kakayoka `dee hote.

-`Dee tigide yu ka geye.

-Maa kufach ki jobondhe `bil ku kayime ki yiet.

-Kuun hi itin `guom ubaa `gor shiche.

-Maala raam burneyka hi wol a yediya.

-Bi el dal maa girika bash hi ye gaa `diya.

-Maa girika gagaleka see ku buraye.

-Waasel maa girika get kulnadhe, kufach ki jobondheka al ku kayime.

-Kuun get `guom ubaa `gor shiche.

-Maa girika get bisach arge.

-Maa girika `daa giri see ku burayka himurit onoya hi argire.

-He yiet mu bash gaa benka kuun kol gaa chirate.

-Adam ubaa Hewan `daa giri Waa`g met ma kinya he Waa`g mureka kufach.

-Waa`g maa bisachiet ali gaa kakayoka `dee hate.